

եթէ նա Ազրբէջանի կամ Վրաստանի բանւորա-գիւղացիական ասպտամբու-
թիւնը թիկունքից խանդարել ուզենայ»:

Կասեանի այս հաւաստիացումներն, ըստ երևոյթին, աւելի շուտ իր
անձնական համոզումներից են բխում, քան իրական փաստերից: Անկարելի
է, որ նա ինքը այդպէս էր մտածում, բայց կոնֆերենցիան, անշուշտ,
աւելի համամիտ էր «Ալեքսանդրապոլի կազմակերպութեան ներկայացու-
ցիչներին», որոնց առաջնորդ Աւիսը խիստ մարտական մի բանաձևով
առաջարկում էր անմիջապէս «վերցնել իշխանութիւնը»: Կասեանը հաւա-
տացնում է, որ այդ բանաձևը ո՛չ միայն չի անցել, այլ չի էլ քննել, մինչ-
դեռ Հայաստանի Կոմկուսի կենտրոնական պաշտօնաթերթ «Իզվէստիա»-յի
1922թ. 25 յունւ. № 1-ում այդ բանաձևը տպւած է, որպէս խորհրդակցու-
թեան կողմից ընդունւած և հայ կոմունիստների համար պարտադիր մի
որոշում: Յետագայ դէպքերն էլ զարգացան Աւիսի բանաձևի ուղղութեամբ,
և Կասեանի հոգեշահ խորհրդածութիւնները «զանգւածի օրիկախու կացու-
թեան», «երկրի իրական պայմանների» ու «տնտեսական-գասակարգային
ստրուկտուրա»-յի մասին միայն դայի շարականներ էին «մեր դոկտրինեօր-
ների, դիալեկտիկորէն մտածելու շնորհքից զրկւածների և ձախութեան
հիւանդութեամբ բուժւածների համար»:

Այդ երևում է և Աշ. Յովհաննիսեանի վկայութիւնից:

«Սովետիզացիայի խնդիրը, ասում է նա, պարտաւորիչ էր ամենից
առաջ Կոմունիստական Կուսակցութեան Հայաստանի Կոմիտէի—Արմկոմի—
համար: Հայաստանի Կոմունիստական կազմակերպութիւնների գաղտնի
կոնֆերանսը, որ տեղի ունեցաւ Երևանում, 1920 թւի յունւարին, ընդունել
էր թէգիսներ այն իմաստով, որ կարմիր բանակի մերձեցման և հարեան
հանրապետութիւնների յեղաշրջում լինելու դէպքում պէտք է առաջադրել
Հայաստանի սովետիզացիայի խնդիրը: Վերահաս դէպքերը հարկադրում
էին նախապատրաստական քայլեր անել այդ ուղղութեամբ: Հայաստանի
Կոմիտէն ենթադրում էր, որ Ղազարին ու Ղարաբաղը, որպէս սահմանակից
չրջաններ, յեղաշրջման յենակէտներ պէտք է դառնային Հայաստանի հա-
մար: Մինչ այդ պէտք էր խուսափել վճռական գործողութիւններից,
բաւականանալ միայն կազմակերպչական աշխատանքով»:^{*)}

Հայ կոմունիստների հակապետական շարժման դրդիչ և ազդանշան
հանդիսացաւ Ազրբէջանի խորհրդայնացումը: Անտարակոյս, հայերը տեղեակ
էին Ազրբէջանում սպասուող դէպքերին և իրենք էլ պատրաստուում էին այդ
ուղղութեամբ:

Հայ բոլշևիկները որոշ յոյսեր կապում էին և այդ միջոցին Ղարաբա-
ղում զարգացող պատերազմական գործողութիւնների, ինչպէս և ոուս ու
մահմետական տարրերի դժգոհութեան հետ: Նրանց հաշիւը պարզ էր.
չահագործելով սովը, տնտեսական ճգնաժամը, ոուսների ու մահմետական-
ների կենտրոնախոյս բնազդները մի կողմից և միւս կողմից՝ բոլշևիկների
արտաքին ոյժն ու կարմիր բանակի հմայքը՝ պայթեցնել Հայաստանի
Հանրապետութիւնը: Զինւած ասպտամբութիւնն ու քաղաքացիական կռիւը
այդ նպատակին հասնելու ուղիղ ճանապարհն էր:

^{*)} «Խորհրդ. Հայաստան», 1925թ., մայիս 1. № 98.